



RESOLUCIÓN DE AUTORIZACIÓN DA DIFUSIÓN DA CAMPAÑA DE VIXILANCIA DA SAÚDE

Expediente	ED-SLEPVS(2019/2021) - (1ªCVS) <i>Campaña Vixilancia da Saúde laboral. Curso 2019/2020</i>
<i>Resolución da Secretaría Xeral Técnica da Consellería de Educación, Universidade e Formación Profesional, pola que se autoriza a difusión da campaña de vixilancia periódica da saúde para o persoal traballador, docente e non docente, que presta servizos en centros docentes públicos non universitarios, dependentes da Consellería de Educación, Universidade e Formación Profesional.</i>	

De acordo co disposto no artigo 22 da Lei 31/1995, do 8 de novembro, de prevención de riscos laborais, modificada pola Lei 54/2003, do 12 de decembro, de reforma do marco normativo da prevención de riscos laborais, o empresario garantirá ao persoal traballador ao seu servizo a vixilancia periódica do seu estado de saúde en función dos riscos inherentes ao traballo. A vixilancia da saúde do dito persoal só poderá levarse a cabo cando o traballador preste o seu consentimento, agás nos supostos contemplados legalmente, e en todo caso, deberase respectar o seu dereito á intimidade e á dignidade, así como a confidencialidade de toda a información relacionada co seu estado de saúde.

O Decreto 138/2018, do 8 de novembro, polo que se establece a estrutura orgánica da Consellería de Educación, Universidade e Formación Profesional establece no artigo 6.2.3 que o Servizo de Prevención de Riscos Laborais da dita Consellería, realizará as funcións que sinala o artigo 31.3 da Lei 31/1995, do 8 de novembro, de prevención de riscos laborais, modificado pola Lei 54/2003, do 12 de decembro, en relación co persoal da Xunta de Galicia que presta servizos nos centros docentes públicos, non universitarios, dependentes da Consellería de Educación, Universidade e Formación Profesional.

Con base no dito con anterioridade, difúndese esta convocatoria de campaña da vixilancia periódica da saúde no ámbito educativo para o persoal docente e non docente, que presta os seus servizos en centros docentes públicos, non universitarios, dependentes da Consellería de Educación, Universidade e Formación Profesional, mediante a súa publicidade na páxina web oficial desta Consellería e o envío das instrucións respectivas aos ditos centros, e de acordo coas seguintes premisas:





Primeira. Obxecto

Prestación da vixilancia periódica da saúde ao persoal docente e non docente destinado en centros docentes públicos non universitarios, dependentes da Consellería de Educación, Universidade e Formación Profesional, en función dos riscos inherentes ao traballo, segundo o disposto no artigo 22 da Lei 31/1995, do 8 de novembro, de prevención de riscos laborais.

Segunda. Ámbito de aplicación

É aplicable ao persoal docente e non docente (funcionario e laboral) en activo, que presta servizos nos centros docentes públicos non universitarios, dependentes da Consellería de Educación, Universidade e Formación Profesional.

Terceira. Inscripción

A inscrición ten carácter voluntario, polo que se realizará previa solicitude dos interesados conforme as instrucións deste procedemento publicadas na páxina web oficial da Consellería e enviadas aos distintos centros de traballo. As/os responsables dos distintos centros de traballo facilitarán a axuda e a información necesaria para a inscrición do seu persoal traballador.

A dita inscrición realizarase de forma telemática no formulario de solicitude de recoñecemento médico que está dispoñible na páxina web da Consellería de Educación, Universidade e Formación Profesional no seguinte enlace: <https://revisionmedicaeducacion.xunta.gal>

A solicitude de inscrición debe incluír todos os datos que figuren no formulario. A falta dalgún deles impedirá a súa tramitación.

Finalizado o procedemento de solicitude de recoñecemento médico e realizada correctamente a inscrición, xerarase un xustificante de consentimento que se deberá presentar asinado o día seleccionado para realizar a analítica.

O prazo xeral de inscrición será **de vinte (20) días naturais a partir do día seguinte ao da difusión desta campaña** na páxina web oficial da Consellería de Educación, Universidade e Formación Profesional (www.edu.xunta.gal).

Cuarta. Citacións

A cita da analítica poderase modificar do mesmo xeito que o solicitou, unha soa vez, consonte ás instrucións do procedemento de solicitude dos recoñecementos médicos, e sempre que se faga antes dos cinco días naturais previos á data da cita primeiramente escollida.





A anulación da dita cita implica a renuncia ao dereito a realizar o recoñecemento médico nesta campaña.

A falta de asistencia á cita implicará, agás causa de forza maior debidamente xustificada ante o Servizo de Prevención de Riscos Laborais desta Consellería, dentro do prazo de 5 días naturais posteriores á data escollida para a analítica, que o/a traballador/a renuncia ao recoñecemento médico de forma voluntaria.

Asinado electronicamente en Santiago de Compostela,

A Conselleira de Educación, Universidade e Formación Profesional
P.D. (Orde do 05/12/2018)
O Secretario Xeral Técnico

Jesús Oitavén Barcala

